

第二編 軍史 目次

第一章 北洋軍之歷史……………一

第一節 北洋軍之始成……………一

第二節 北洋勢力之擴展……………四

第三節 北洋系之分裂……………八

第四節 十三年戰前之直系軍隊……………一三

第五節 直系之沒落與國民軍之興起……………二九

第二章 東三省軍史（奉軍軍史）……………四九

第一節 奉軍之胚胎時代.....四九

第二節 奉軍之發展.....五二

第三節 奉軍之變化.....八七

第三章 陝隴青夏疆軍史.....九六

第一節 陝西軍史.....九六

第二節 隴青夏軍史.....一〇〇

第三節 新疆軍史.....一七

第四章 晉燕察綏熱軍史.....一二三

第一節 山西軍史.....一二三

第二節 河北軍史.....一三三

第三節 察綏熱軍史.....一四四

第五章 魯豫軍史……………一五一

第一節 山東軍史……………一五一

第二節 河南軍史……………一六五

第六章 浙蘇軍史……………一八九

第一節 浙江軍史……………一八九

第二節 江蘇軍史……………二〇七

第七章 閩皖贛軍史……………二二三

第一節 福建軍史……………二二三

第二節 安徽軍史……………二五五

第三節 江西軍史……………二六八

第八章 鄂湘軍史……………二八〇

第一節 湖北軍史……………二八〇

第二節 湖南軍史……………二九六

第九章 桂粵軍史……………三三四

第一節 廣西軍史……………三三四

第二節 廣東軍史……………三四六

第十章 滇黔蜀康軍史……………三七〇

第一節 雲南軍史……………三七〇

第二節 貴州軍史……………三九四

第三節 四川軍史……………四〇七

第四節 西康軍史……………四二八

第十一章 國民革命軍軍史……………四四五

第一節 國民革命軍之編成……………四四五

第二節 各集團軍……………四五五

第三節 國軍之縮編……………四七三

第二編 軍史

第一章 北洋軍之歷史

第一節 北洋軍之始成

一 軍史與北洋系 我國軍隊，自練新軍以後，省自爲政，形成不統一之陸軍，以致派別紛歧，欲完全明瞭其歷史，殊不易得。並且就各軍成立以及最近之沿革變化，一一詳記，以備他日修史之參考。我國軍隊最大之派別，可分之爲南北二派：北即清末小站練兵後所成之北洋系，南則爲南洋各鎮所演化而成無數之小派系。是以談軍史者，雖以北洋系歷史之龐雜，猶有系統可尋；而於南方軍隊，則因辛亥革命軍隊之驟增，數次獨立之影響，益以其初始原非同根，迺不能得一貫之歷史。茲編所記，亦

因事實關繫，而首列北洋系之始末，而以該系所駐各省（兼魯豫熱綏）之軍隊（皆北洋支派）附入，其次乃就各省軍隊歷史之繁簡，而次序詳記其始末，倘亦閱者所許乎。

二 北洋軍之成立與擴充。我國新軍之原始，已於前編第二第三兩章中敘述之。北洋軍之原始，即我國陸軍之原始，故不重叙。蓋清末編練正式陸軍，始於小站，北洋系（亦曰小站系）之名於是乎產生。自李鴻章從英將戈登之言，設武備學堂於天津，以至胡燏棻奉命募練定武軍，袁世凱就此擴充之，而成新建陸軍，再改武衛右軍，復改爲常備新軍，皆爲北洋軍之醞釀胚胎時期。滿清光緒二十七年，袁世凱被任爲直隸總督兼北洋大臣，小站之新軍始大。次年，奏定北洋營制餉章，〔見第一編第三章〕先練常備軍左右二鎮。是年九月，『北洋常備左鎮』先成。〔後爲北洋第二鎮〕二十九年冬，京師設練兵處，以清廷宗室慶親王奕劻總之，而袁世凱實董其事，選旗丁爲『京旗常備軍』。〔後爲北洋第一鎮〕三十年，日俄戰事起於我國東北，北洋防務緊急，乃成『北洋常備右鎮』。〔後爲北洋第四鎮〕並武衛自強軍改編爲北洋第三鎮。三十一年，以第二鎮之一部，及武衛右軍之先鋒隊，合併擴充編制爲北洋第五鎮，而以第三鎮之一部，及武衛自強軍編餘部隊擴編爲北洋第六鎮，舉行秋操於直隸之河間。北洋六鎮於是完成，而北洋陸軍之聲譽遂播滿全國。時有知袁世凱久蓄異謀者，建議併練兵處於陸軍部，以鐵良爲

尙書，劃北洋之第一第三第五第六等四鎮歸陸軍部，任鳳山爲督練大臣。此光緒三十二年事也。是年徐世昌爲東三省總督，奏調新成立之第一混成協（由第三鎮之第五協改編）赴奉。三十三年，復由第二第四兩鎮抽撥六營爲第二混成協，調駐奉天。同時第三鎮亦分防吉林。宣統元年，以第一混成協及獨立兩標合編爲第二十師。於是北洋派之勢力遂自西而東，延及滿洲，而胚胎爲後來之奉軍。

三 六鎮之駐地及長官

時，隨袁世凱任各鎮軍官者，有武衛右軍之舊將校，如王英楷、王士

珍、段祺瑞、馮國璋、學生及張懷芝、曹錕、馬龍標（行伍）等。當時新舊傾軋，已成大問題。袁世凱一面設學校，以養成將校，標榜訓練新軍，一面重用馬弁奴僕，以期順己。北洋馬弁式之軍人，袁實養成之。如第二鎮統制吳鳳陵，卽袁家乳媪家人也。茲將當時各鎮改編之情形及駐地、長官姓名等，列表如下：

番號	區	來部	隊	駐地	統制
第一鎮	原京畿第一鎮 卽京旗常備軍			北京	鐵良
第二鎮	原北洋常備軍第一鎮			遷安永安一帶	王英楷
第三鎮	原北洋常備軍第三鎮			保定	段祺瑞（後易曹錕）
第四鎮	原北洋常備軍第二鎮			小站馬廠	吳鳳陵

第五鎮

原駐魯北洋常備軍第五鎮

山東濰縣一帶

吳長純

第六鎮

原北洋常備軍第四鎮

南苑

段祺瑞

各鎮之編制，皆如額，惟夫役則皆不設，夫役餉銀，盡爲官長所侵吞；此則馬弁式的軍人習於舊式軍隊之腐化，而開後來軍隊浮報軍額侵吞缺餉之端，爲北洋軍之一大污點。幸段祺瑞、王士珍等皆學自德人，故管軍甚嚴，督練尤毫不假借，乃得紀律嚴肅，軍容威整，蜚聲於當時。

第二節 北洋勢力之擴展

一 北洋勢力之漸張

當光緒三十二年清廷設陸軍部，爲中央軍事最高機關。當定全國軍額爲三十六個鎮，分飭責成各省督撫，限期成立。光緒三十三年，除北洋六鎮外，湖北南京各成一鎮。宣統元年，計成九個鎮，六個混成協。二年，成十二個鎮，十九個混成協。三年，成十六個鎮，十六個混成協。在燕魯豫東三省者，共八個鎮，又二個混成協。除禁衛軍、吉林之第二十三鎮，及龍江之混成協外，皆爲袁世凱之舊部所擴成，北洋系之潛勢力日益瀰漫，駸駸乎有掌握全國陸軍之勢。

二 袁世凱之再起

袁世凱於光緒三十三年與張之洞同入軍機，雖不直接管軍，仍暗中操

縱。及醇親王監國，能袁世凱，以載濤督練陸軍，倡練「禁衛軍」。宣統二年，罷鐵良，以蔭昌代爲陸軍部尙書，另設軍諮府，以載濤爲大臣。於是中央軍權，握於親貴；而外省督撫，多延日本留學生，任督練公所事，或就本省原有之陸軍學生，俾以練兵之權；北洋將帥益鬱不得志。全國軍隊之派別紛歧，卽孕育於斯時。及武昌起義，除北洋軍及禁衛軍外，新軍皆離中央而獨立。蔭昌率第二第四兩鎮南下，徘徊於孝感信陽之間。第二第四兩鎮，原爲袁世凱舊部北洋常備軍左右兩鎮，在北洋六鎮中與袁最爲親近。袁雖蟄居彰德，而與其舊部聲息常通。蔭昌知袁世凱不出，則將士必不肯用命，乃奏請起用袁世凱舊師，以馮國璋將第一軍，段祺瑞將第二軍，遂克漢口。及袁任內閣總理，與民軍議和，卒賴段祺瑞等前敵將領之電而迫清帝退位，且藉北洋軍之勢力，而得任大總統。

三 北洋軍之侵入長江。辛亥年，第六鎮統制吳祿貞獨立於石家莊，第二十鎮統制張紹曾擁兵於灤州，第二協協統藍天蔚謀起義於奉天。未幾，藍天蔚失敗去奉，吳祿貞被袁世凱遣馬某刺死，張紹曾亦解兵柄，北洋派軍權，遂復統一於袁世凱。張吳藍均畢業於日本士官學校，故自是袁世凱不復用留學生，惟就北洋舊部及其奴僕中選拔將校，增練陸軍。民國二年，二次革命時，北軍爲袁世凱用者，禁衛軍及北洋六鎮，二十師，直隸第一混成旅，中央第二混成旅之外，尙有拱衛軍五路。（拱衛軍成立於

宣統三年九月初駐河南旋調駐京師守衛府）及新成立之第七師（師長雷震春）於是以何宗蓮率第一師駐察哈爾，以王占元率第二師及褚恩榮之第二混成旅鎮武漢，曹錕之第三師及范國璋之二十師駐岳陽，靳雲鵬之第五師及新成立之第四十七旅駐山東，以李純率第六師及第二師之一部駐江西，以馮國璋率禁衛軍，雷震春之第七師，劉詢之直隸第一混成旅（後改稱中央第五混成旅）及第五師之第十旅與第二十師之步兵第七十九團攻南京，以第四師之一部守上海，旋派第四師之十四團赴福建。於是上自湖北，下至浙閩，均為北洋各軍——亦即袁世凱之軍隊——之征服駐防地，北洋勢力遂侵入長江。

四 二次革命後北洋軍之大擴充 當第二次革命事急時，軍隊多南下，乃增募補充旅，駐山東，補第五師步兵第十旅之缺，另募第一路備補營駐北苑，第二路備補營駐保定。旋即以補充旅為第十旅，改原第十旅為中央第一混成旅，以施從濱為旅長，駐鎮江。另成第三混成旅，以張敬堯為旅長，駐河南；第九混成旅，以丁效蘭為旅長，駐江西。三年冬，改編第七師為第十五第十六兩混成旅，以賈德耀馮玉祥為旅長，駐陝西。另擴充第三混成旅為第七師，以張敬堯為師長。改拱衛軍前路為第八師，以李長泰為師長，分駐馬廠北京。改河南第一師為第九師，以張錫元為師長。旋改為河南第一第二兩旅。第三師之第五旅擴為第十師，以盧永祥為師長，駐上海。第二十師之第三十九旅擴為第四混成旅，以伍祥楨

爲旅長。改備補營第一路爲第七混成旅，以唐天燾爲旅長。改備補營第二路爲第八混成旅，以徐占鳳爲旅長。而駐福建之第十四團，駐湖北之第二師補充旅，亦先後改編爲第十第六混成旅。是爲北洋軍隊大擴充之第一次。

五 袁世凱謀叛時之北洋軍勢

時，袁世凱陰謀稱帝，慮北洋將校之不爲己用，乃藉口北洋軍隊暮氣太深，另組織模範範圍於北京，選各師旅將校之優秀者爲心腹。四年冬，擴成第十一第十二兩師，以張永成陳光遠爲師長。另添募第三混成旅，駐江西。而裁減山西之第十三第十四混成旅爲團，以劉閣錫山之勢力。另募兵任李炳之爲第十三混成旅長。五年，帝制事起，以第七師及第十六混成旅入四川，繼之以第三師。分第十師之第十九旅赴福建，一團沈於海，一團至閩，擴編爲第十四混成旅。復添募新畿第一第二兩旅，及第一第二兩混成團。終袁世凱之世，中央有拱衛禁衛二軍，十三個師（一至十二及二十七個混成旅，二十六混成旅及山東之第四十七旅）除駐鄂西黎天才之第九師，王獻之第十一混成旅，黃國梁之第十二混成旅外，皆北洋系所擴張而成之勢力。其餘如姜桂題之毅軍，倪嗣冲之安武軍，張勳之定武軍，非新軍編制之舊軍殘餘而依附北洋系者，尙不在其列，北洋系之勢盛極一時。

第三節 北洋系之分裂

一 南北之分裂

洪憲皇帝失敗，黎元洪依法繼任爲中華民國大總統，以北洋老將段祺瑞爲國務總理兼陸軍總長。五年八月，改拱衛軍爲第十三師，以李進才爲師長。六年春，段祺瑞主張對德宣戰，黎元洪不可，府院起衝突。六月，各省督軍集天津，宣告獨立，組織督軍團倡亂，威迫大總統。黎元洪被張勳壓勒，解散國會。七月一日，康有爲張勳擁清廢帝溥儀復辟。段率第八師第十六混成旅誓師馬廠，傳檄討之。七月十二日，段入京師。副總統馮國璋代黎爲大總統，擴充第五混成旅爲第十五師，以劉詢爲師長。改近畿第二旅爲第四混成旅，以張錫元爲旅長。九月，改禁衛軍爲第十六師，以王廷楨爲師長。先是國務總理伍廷芳，海軍總長程璧光，率艦隊南下至粵護法討賊。雲南督軍唐繼堯繼之，於八月十一日通電護法。段祺瑞主對南用兵。九月，以傅良佐爲湖南督軍，勾結湖南陸軍第二師師長陳復初（改爲第十七師）並率第八第二十兩師入湘。吳光新率第十三混成旅入川。是月十八日，湖南零陵鎮守使劉建藩及湖南第一師第二旅旅長林修梅宣布獨立。三十一日，程璧光率海軍至粵。南北正式成爲交戰團體，大局益紛亂。時北洋系分二派：馮國璋主和，直隸督軍曹錕湖北督軍王占元江蘇督軍李純

江西督軍陳光遠等附之，李純首發通電，要求停戰；段祺瑞主戰，安徽督軍倪嗣冲、浙江督軍楊善德、滬護軍使盧永祥、福建督軍李厚基附之。山東督軍張懷之、河南督軍趙倜則騎牆觀變。十月，北軍攻湘，失利，傅良佐敗走，第八師師長王汝賢、二十師師長范國璋通電言和，曹錕王占元、李純、陳光遠響應之，段祺瑞辭職。然第九師黎天才、湖北第一師石星川等獨立於荆襄，粵桂湘聯軍再攻岳陽。北洋派軍人乃復合作，於十二月三日會議於天津，一致主戰。是月十六日，以曹錕爲第一軍司令，張懷芝爲第二軍司令，率師由鄂贛入湘。十二月，以段祺瑞督辦參戰事務，改駐湖北之第九師爲第十七、第十八混成旅，以張聯陞、趙榮華爲旅長，另以模範團爲第九師，以魏宗瀚爲師長（魏亦段之親信）。

二 各省北洋軍隊之擴充 七年一月，以曹錕爲兩湖宣撫使，張敬堯爲攻岳前敵司令，張懷

芝爲湘贛檢閱使，率兵南下。二月，徐樹錚說奉督張作霖截留自日本所購軍械於秦皇島，張自爲奉軍總司令，以徐樹錚爲副司令，派兵入關。馮國璋不得已，復任段祺瑞爲國務總理，大舉南征。時各省督軍紛紛增兵。六年，直隸已有五混成旅，旅長王承燾、閻相文、蕭耀南、曹錕、商德全。是年七月，復添募三補充旅，一衛隊旅，以葛樹屏、董政國、彭壽莘、孫岳分任旅長。山東已有陸軍一師，及各路巡防改編之第五旅（成立於六年十月）是年復添募二補充旅。河南已有民元時第九旅改編之第一、第二兩旅，復以備補兵六營改

爲宏威軍第一路。湖北原有第三〔三年七月成立〕第四〔六年十二月成立〕兩混成旅，是年九月，復添募第一第二兩混成旅。福建原有一旅，是年五月，擴編爲第一師，九月，擴充中央第十四混成旅爲第二師，復增募一混成旅，又四團。其屬於中央者，第六混成旅擴編爲第十八師，以王懋賞爲師長，仍駐湖北〔七年六月〕近畿第一旅改編爲第二十混成旅，以吳長植爲旅長，駐山東〔七年六月〕改湖北省防軍爲第二十一混成旅，以孫傳芳爲旅長，奉軍補充旅爲第二十四混成旅，以王永泉爲旅長〔七年十二月〕移駐福建，復由第四師分一部編成第六混成旅，以何豐林爲旅長，駐上海。軍隊既多，內容複雜，派別益多，非復民國五年以前之整齊團結矣。

三 皖系之由來

徐樹錚患北洋將校之不用命，且與段系將校曲同豐等不和，故藉奉天之力以練新軍，初成步兵三旅，砲兵一旅，及參戰處成立，即劃爲參戰軍。其後，第一旅改編爲第二十四混成旅，赴福建，而日本借款，陸續交付，段用曲同豐等練兵三師。徐部乃改稱西北邊防軍，合計四旅；以第一第四兩旅駐洛陽，第三旅駐宣化，第二旅駐廊房。參戰軍亦於八年改稱邊防軍，第一師師長曲同豐，第三師師長陳文運，駐近畿；第二師師長馬良，駐山東。以上三師四旅，軍械均因中日軍事協定而來自日本；西北邊防軍羅致青年軍官訓練尤精。段祺瑞因是益遭北洋將校之忌，而「皖系」之名稱，於是

乎始，蓋段爲皖人，附段者，乃被呼爲皖系。

四 直皖之衝突

民國七年春，北軍之攻湖南，吳佩孚率第三師於三月敗桂軍而克岳陽。段祺瑞乃任張敬堯爲湘督。四月，北軍克衡山，而未幾第二軍大潰於萍鄉，幾不成軍，戰事遂停頓。五月，曹錕回天津。六月，張懷芝回濟南，山東第一師被解散。八月，吳佩孚率第三師旅長張學龍、張福來及直隸混成旅旅長王承斌、閻相文、蕭耀南等，通電主和。十月，徐世昌非法繼馮國璋爲大總統，以王士珍、段祺瑞爲國務總理，令前敵將領停戰。八年春，南北代表議和於上海，後雖破裂，而南征之議遂罷。是年六月，以徐樹錚爲西北邊防軍總司令。十一月，徐率西北軍第三旅褚其祥部赴庫倫。八月，浙江督軍楊善德卒，以盧永祥代之，仍兼淞滬護軍使。九年五月，吳佩孚率第三師及直隸第三混成旅北歸。六月，南軍乘勢進攻長沙，張敬堯逃。段祺瑞憤甚，曹錕、吳佩孚亦進兵近郊。七月六日，段下動員令，組織「定國軍」以邊防軍第一師、第三師、中央第十五師，出蘆溝橋，以西北軍第二旅攻天津，邊防軍第二師由山東攻德州。七月十日開戰，即所謂「直皖」之戰是也。〔見戰史〕戰三日，西路第十五師先潰降，邊防軍第一師繼之，曲同豐被俘。東路則直隸第四混成旅曹錕爲西北軍所敗，第五混成旅商德全爲馬良所敗，賴奉軍來援，且西路皖軍潰敗，天津得全。七月十九日，徐世昌下令停戰，段祺瑞辭邊防督辦職，徐樹

銜走日本使館，戰事於是告終。

五 直系軍隊之大擴充

九年八月，曹錕得任直魯豫巡閱使，吳佩孚爲巡閱副使。時邊防軍第一第三兩師潰散，第二師裁併爲山東第七混成旅；西北軍第一第二第四各旅遣散，第三旅則遠戍庫倫，次年敗潰；李奎元之第十一師，劉詢之第十五師，李炳之之第十三混成旅，（屬吳光新）先後裁撤。改任陸錦爲第九師，閻相文爲第二十師師長。擴充直隸第一混成旅爲第二十三師，以王承斌爲師長，直隸第二混成旅爲第二十五師，以蕭耀南爲師長，直隸第四混成旅爲第二十六師，以曹錕爲師長。中央第十六混成旅爲第十一師，以馮玉祥爲師長，補充第一旅爲第十二混成旅，以葛樹屏爲旅長，補充第二旅爲第十三混成旅，以董政國爲旅長，補充第三旅爲第十四混成旅，以彭壽莘爲旅長，衛隊旅爲第十五混成旅，以孫岳爲旅長。合之吳佩孚之第三師共爲七個師，又五個混成旅，皆曹錕吳佩孚之部屬，即所謂直軍之嫡系，亦即爲世詬病之『直系』也。

六 直系之控制兩湖

時北洋將領資格與曹錕相埒者，有王占元、李純、田中玉、趙倜、陳光遠、盧永祥、李厚基等。趙田李皆無大志，盧李則蟄居江浙一隅。李純於九月十日被齊燮元謀殺，而以自殺計聞。齊燮元自代督辦，資望太淺，乃謹附曹吳以圖自存，而抗反對者。惟王占元居中國中心之武漢，擁